



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum, die Martis nonâ Januarii,  
anno Domini M. DCC. XLII.*

M. FRANCISCO FELICITATE COCHU;  
Scholarum Professore designato, Doctore Medico,  
Præfide.

*An in acutis aliquando cunctandum?*

I.



ORBORUM divisiones propè innumeræ: Has inter, primas tenent Chronici & Acuti. Chronicos dicunt qui longius temporis emetiuntur intervallum; Ut Quartana intermittens, Hydrops, Paralysis, &c. Acuti vero nuncupantur qui spatio breviori stadium suum percurrunt. Hi rursus sunt, vel simpliciter acuti, vel summe acuti. Simpliciter acutos vocant v. g. Febrem continuam, Pleuritidem, Peripneumoniam, Febrem malignam. Summe acutorum ordini ascribunt Febrem ardentem, Apoplexiam. Omnibus in hisce morbis non eadem instituenda venit curandi methodus; In Chronicis, quo longior morbus, eo serius curatio protrahitur. Nec tantum negotii Medico plerumque

A

2

facefferet æger qui veritatem hanc non impatienti teneret animo. Verùm, licet in Acutis celer requiratur Curatio, in summè acutis celerior; non ideò præpropèrâ utendum festinatione. Quæ in Chronicis prodest expectatio, confert & in acutis. Festinat lentè Medicus prudens. Sat citò, si sat benè. Huic igitur insinuat methodo quæ si non compendiarie magis, saltem magis efficax. Præcipiti remedium farragine vires ægri non exhauriat. Sapienter otiosus, noscat salubres non avertere Crises; hæc cunctando obtinebit.

## I I.

**C**UNCTARI in acutis, est naturæ conamen non inturbare, eam non urgere nimis. Quot & quanti, cunctationi præbent ansam. Hos inter non infimum tenent locum Peripneumonia, Pleuritis, & Febris maligna. Sint igitur in exemplum: frequenter etenim occurrunt, & violentioribus stipantur symptomatis. Iis sua sunt ut aliis stadia; initium scilicet, incrementum, status & declinatio. Pleuritis seu inflammatio membranæ costas interius cingentis, à rigore pleurumquè, & horrore orditur. Hos excipiunt calor, sitis, inquietudo, aliaque Februm symptomata. Elapsis horis quibuscum æger vehementi dolore eoque punctorio in laterum alterutro corripitur. Hic dolor nuac ad Scapulas excurrit, nunc ad spinam, nunc versus anteriora pectoris spatium. Spiritus fit difficilis. Accedit & tussis initio sicca; mox humida fit, & ex affecto loco ducere aliquid incipit. Id primò flavè coloratum, postea rubrum & cruentum. Pulsus frequens, durus, inæqualis. Quæ, & alia satis nota symptomata si violentius urgeant, intra diem septimum perit æger: Si verò mitiori se prodant sub facie, circa decimumquartum diem spes salutis affulget. Pleuritidi sæpè se comitem jungit Peripneumonia quæ à priore, ex Sydenhamo, gradu tantum, & pro majori ejusdem causæ intentione, extenuque latiori differt. Quidquid in hisce morbis nimis properando molitur Medicus, non proficiet. Per initia sanguinem fundat, & quidem largâ manu, ne symptomatum violentiæ succumbat æger: Verùm cum remiserint, illa statim evellere non satagat. nec rursus sanguinem fundendo Febrem gestiat extinguere. Hæc methode franguntur tantum ægri vires, præpostero Cardiacorum usu non revocandæ. Vasa, fibræque tonum amittunt; & quæ futura erat proficua crisis, nulla erit, vel imperfecta. Interea, forsitan haud imminuta, typum servabit Febris, & quidem non inutiliter; materiæ enim morbificæ concoctionem promovet. *Hanc ut acceleres, inquit Sydenhamus, non satagendum nescio quibus atemperantibus, sed Febris effervescencia tandiù permittenda est, quandiù salus ægri passim fuerit.* Sed quæ in Pleuritide, & in Peripneumoniâ plurimum valet cunctatio, in Febre malignâ longè utilior.

## I I I.

**F**EBRES malignas dicebant antiqui eas solas quibus jungebantur Carbunculi, Bubones, vel Exanthemata purpurea. Nostro ævo, malignitatis nomen latius extenditur. An perperam? Extra Cancellos foret hæc disquisitio. Eam proponemus Febris continuæ speciem quæ à gravium symptomatum agmine, & perviciâ, malignas inter hodiè reponitur; ex signis præcipuis definienda. Primo insulsa, nonnunquam tam blandè serpit, ut qui corripitur eâ, vix ubi doleat, interroganti possit assignare. Pulsus sat æqualis, sanorumque pulsui in eo tantum dissimilis

quod sit quodammodo intricatus. Addunt se fastidium cibi, vomendique conatus. Verum circa diem tertium evolvuntur symptomata. Jam adfunt motus convulsi, qui primum in carpi tendinibus conspicui, mox oculos, labia, faciemque totam occupant. Hinc risus Sardonicus, injussa lacrymarum effusio. Lingua sicca fit & arida, flavo circa margines, atro versus medium fæda colore. Nulla non est pars quam multare non amet humor morbidus. Nunc caput impetit, Lethargumque infert aut Phrenitidem. Nunc insidet pectori, Pleuritidemque mentitur, & Peripneumoniam; Vel in infimum ventrem delabitur, inflammationem ibi minitans. Denique, Protheus alter, tot formas & tam celeri passu induit, ut vinciri vix possit, & vinci. Rarò, antè diem vigesimum-primum sedatur hæc Febris: aliquandò ultrà quadragesimum excurrit. Quantum in tantà symptomatum lliade requiritur sagacitatis! Numquid eo quo recrudescunt instanti semper remediis debellanda? minimè. Adest initio vomendi desiderium, inappetentia, oris amaror; jam depleta vasa, Febris remissior; Emetico stomachum moveas, non gravabor: In primis equidem viis latitat ut plurimum morbi fomes; & hæc methodo, non mediocrem hujus educes copiam. Sed dum sanguini transfusus humor totam infecerit molem, Catharticus æger non divexandus; expectanda Concoctio; *Concocta enim*, inquit Cous, *medicamento purgante educenda, & movenda: non cruda; neque per initia nisi turgeant: plurima verò nonurgent. Scët. 1<sup>a</sup> aphor. 22.* & paulo inferius, sic pergit; *in acutis morbis, rarò, & in principii medicamentis purgantibus utendum, idque diligenti ante adhibiti circumspectione faciendum Ead. scët. aphor. 24.* Non minor in venà secandà requiritur cautio. Perseverant dolor capitis, delirium: ergone sanguis iterum atque iterum mittendus? absit. Attentè quiescas: huic quæ malum portendere videbatur dolori succedet Hæmorrhagia felix, nulla sanguinis missione compensanda. Nec brevior fieret morbus, licet totam exhaustis sanguinis massam. Quidquid moliaris, stadium suum semper servabit ille. Verum quantum asseres detrimenti, si ultrà vigesimum-primum diem ægrum torqueret humor incoctus, & indocilis? Phlebotomiâ frequentiori, & Catharsi repetitâ obrutus æger, tanto oneri sustinendo impar, defectu virium cederet fato. Multò magis proficiet ille qui remediis opportunè adhibitis violentiores morbi insultus repellendo, noleat & opportunè iis abstinere: Qui ex consulto nihil agens, naturam sui juris esse sinjit.

## I V.

QUÆ in Peripneumoniâ, Pleuritide, & Febri malignâ confert expectatio, in acutorum ceterorum plerisque commendatur: Quippe nullus fere est in quo per aliquod tempus sibi ipsi relinqui non debeat æger. Quin & in ipsâmet Apoplexiâ acutissimâ, aliquandò cunctandum. Sanguis celeriter quidem & magnâ copiâ, sed incassum, fuit eductus; Volatilia, Vesciantia, Emetica, Cardiacis confociata nihil profecerunt; ne morbum rursus urgeas. Humor sibi permixtus externas partes Paralyti percutiendo, penetralia vitæ servabit intacta. Si vero reperitis remediis effusurum idem ille humor, internas opprimit partes, mortemque ineluctabilem accerfet: Quæ mors, nunc vitæ quod supererit momento forsân operabilior, nisi semper homini satius pati quàm mori. Mirè insuper Crisium doctrinæ famularur expectatio. Crises ab antiquis, & ab Hippocrate præsertim tantum æstimata: non minus nostris temporibus, & sub nostro cælo utiles. Dubiæ, quoad dies, non sunt quoad effectus incertæ. Frequentius hodiè, feliciorique sub omine se

ostenderent, nisi intemptivo, præcipitque remedium usu, vel penitus amoverentur, vel redderentur imperfecta. Hinc tam raro nec tam prosperè erumpunt Parotides, Hæmorrhagiæ, Sudores, &c. E contra haud infrequentes sunt internæ *Metastases* ferè semper ægris funesta.

# V.

**N**ON diffitemur quod per acutorum initia, & exacerbationes, vix detur cunctationi locus. Principiis obstandum, ne morbus eundo vires acquirat, ægrumque suo gravet pondere. Periculum in morâ. Nec inficias iverimus quod in acutorum declinatione, remediis non prorsus abstinere aliquandò conferat. Quin & in ipsomet, ut ita dicam, cunctationis momento possuat utiliter præscribi. Sic Diluentia, Ptyana, Clysmata, Cæteraque levioris æmaturæ præsidia, non sunt penitus flocci faciendâ. At, ne quid nimis. Haud parum profecisse gloriabimur, si id tantummodò cognoscendum præbuerimus, in acutis remedia non esse remediis cumulanda; illumque verè Medicum esse qui naturæ diligens indagator, eam non intemptivè deterret à proposito. Dum naturam vincit morbus, naturæ feras opem; Verùm dum natura victrix morbum fugare potis est, triumphî spectaculo tranquillè fruatur Medicus. Sic Dierum decretoriorum, Crisumque judex erit optimus. Noscet, quod satagendo nimium, possit eas inturbare, & quod, nihil agendo, iisdem faveat. At, inquires, quid juvat ad Crises attendere? Nimis afferunt tædii: faciendâ potius quàm expectandâ. Quasi arte melius regerentur quàm naturâ! Potestne sanguis è venâ educus, fluxui menstruo equiparari? Quid plura? Cunctatio in acutis Præcorum Medicorum nititur praxi. Recta Crisum doctrinæ famulatur; Quotidianis est observationibus congrua. Denique, hæc positâ, curatio si non celerior, tutior saltem ac felicior. Stet itaque hæc conclusio.

*Ergò in acutis aliquando cunctandum.*

## DOMINI DOCTORES DISPUTATURI.

*M. Petrus le Hoc, Medicus Regis ordinarius in ejus Castellato, & utriusque Pharmacæ Professor designatus.*

*M. Joannes Baptista Boyer, Regis Consiliarius, & in Senatu Parisiensis Medicus ordinatus.*

*M. Jacobus Benignus Winslow, Regiæ Scientiarum Academia Societasque Regiæ Bevolinensis Socius, Teutonice linguæ Regius Interpres.*

*M. Antonius - Nicolaus Guenault.*

*M. Bernardus de Jussieu, Regiæ Scientiarum Academia, Regiæque Societatis Londinensis Socius & in Horto Regio Botanices Prædemonstrator.*

*M. Antonius Pepin, Regis Consiliarius & in porta Bressensî Medicus Primarius.*

*M. Paulus-Jacobus Malouin.*

*M. Franciscus Mery.*

*M. Joannes Herment, Medicus Regis ordinarius.*

Proponebat Parisiis CAROLUS-FRANCISCUS BOUTIGNY  
DESPREAU X, Ambianensis, Baccalaureus Medicus, A. R. S. H. 1742,  
à sextâ ad meridiem.

Typis *QUILLAV*. Universitatis & Facultatis Medicinæ Typographi, 1742.